

天真閣集

天真閣集卷二十一

詩二十一

昭文 孫原湘 子瀟

觀釣者

槲頭艇子傍魚磯
滴翠山光欲上衣
昨夜江南春雨足
桃花瘦了鰕魚肥

三月盡日

去立夏六日

一春愁釀雨絲絲
捱過輕寒薄病時
纔得東風偷送燠
梨花如雪又催詩

濃青暗綠易黃昏
中有迷離蕩曉魂
方眼文紗窗六扇
如何關得住春痕

能消幾箇醉膏騰
看到遊蜂繞紫藤
如畫仙樓登不得
夕陽紅在最高層

今年春事覺迢迢三月梅花未雪飄萬事濃歡無厭足預籌離別已覓消

牡丹無慮數十種火輪者苞嚴而藥密歲不過一兩萼花恆不舒或剖以竹筥躁則氣未達慎則力已弛矣蓋適其時爲難故雖貴植者苦之吳氏一叢獨高大花時率數十萼間有微憾者剖之亦舒吳子之言曰甚矣人之貴之也故其土時其壅勿慮勿顧則其花繁繁則易之易之則無躁與愼故恆得也吾欲人之忘其貴也予瀟子聞之曰是真善處貴歟爲歌以記之

萬花之中牡丹貴貴至火輪貴尤最三年兩年花始胎一朵兩朵不肯開緩則失時急則損富貴從來致難穩養花若養兒與

孫勿求速長勿過恩不見吳家此花歲歲感能割花情適花性
我來日莫未見花隔牆望之疑日華月輪將出東海上如何日
馭猶停車入門始覺花氣烘花光爛爛欲透空綠陰雖濃壓不
住化作百丈春霞紅主人置酒急歡燕四角燒鐙助花爛一杯
未飲顏已酡花隔闌干射人面東家一朵紅欲葵西家雙藥猶
徘徊此間朱輪一樹滿暗中疑有羲和推非關羯鼓聲喧豕亦
非金輪下詔催疑是青藜丈人所化出來照君家讀書室家家
種花求國色香車不來枉心力主人一笑向東風由來富貴無
心得

次韻再詠火輪

歐碧鞋紅各鬥妝別開生面作花王日輪故放金烏射火德應
招赤鳳翔百種芳菲甘北面一時佳麗出南方春風拂檻濃香

發只道沉香甲煎香

籠鐙醺賞漏遲遲爭看盤中赤玉姿種豈爛摩天上降根應若
木樹邊移其輪自逐春風轉此火偏宜宿雨滋稱我醉中攜彩
筆青藜神杖照題詩

訪李味霞唐墅語乾隆丁未舊游

花開君有書招我及至尋君花落時偏向殘春溫好癩每逢舊
雨得新詩流連鰕筍原成癖惆悵鴻泥亦是癡二十五年雲過
眼風前各理鬢如絲

喜雨

一雨衆心定百憂俱可忘魚鰕登小市畚鍤動高鄉庭樹有秋
意簷花生畫涼艸深窮巷寂隔舍午炊香

欲霽亦可喜又聞簷溜聲終嫌未霑足猶恐待深畊新漲荷塘

沒連陰米市平枕書高臥穩啼鳥慢呼晴

吳松崖秀才

寶書

取願爲一滴楊枝水灑作人間並蒂

蓮詩意作圖戲題

密語惺惺咒紫烟低睂老佛亦淒然易脩不死團欒月難補相思缺陷天柳絮自家猶放蕩藕絲作意太纏綿慈悲若有回春手寶座先開並蒂蓮

秋帆曲

碧天四面秋水空一舸飛出蘆花中青山兩旁看不厭片帆已過十二芙蓉峯白鷗拍拍安能從瞬息追過遙天鴻舉頭詩思落何處應在碧雲之外樽桑東我思君行何忽忽何必一徃乘長風滿湖秋色可賞玩十幅布帆且張半

青蓮花

倒影清波不染身疑花疑葉認難真優曇悟後芳心冷不肯紅
妝笑向人

題畫

洞門仙犬絕無聲窈窕筠廊路太生如雪梨花如水月當時春
寢未分明

中秋夜歌樓聽雨

揮刀斫雲雲不開舉杯邀月月不來衆心愁愁我心喜雙屐尋
秋一鐙裏雨絲細織簾影昏樓頭四角秋無痕試憑玉簫一震
蕩喚醒天上璵璠歌聲緩雨聲促歌聲斷雨聲續雛姬對影
如春妍燭花搖漾秋情圓此時無情被情使我亦顛如少年子
百年此夕能幾何得月孰如且得歌誰家紅樓閉濃睡一葉芭
蕉滴癡碎

幾生脩到圖爲鍾映洲上舍澠作

鍾君傷儻才絕奇愛花自命梅花癡忽然癡絕發奇想化身竟
欲爲南枝花性冷君亦孤高謝塵境花性芳君亦發越能文章
有時醉而顛似花影疎蕩有時醒而狂似花致岫壘不仕不隱
花之貞愛水愛竹花之清只除一點脩不到花能無情君有情
君不見空山無一人一堆雪君要先脩心似鐵

重九日偕凌客亮時匏風蘭風破山寺登高

颯颯霜花拂曙袍戲隨年少賦登高尋詩何惜勞雙腳脫帽應
愁見二毛古佛年年開極樂秋天處處畫離騷莫辭盡醉茱萸
酒如此清遊得幾遭

偶隨鐘磬入疎林一塢秋聲撥杖尋石臥尙餘蹲虎勢泉飛時
作老龍吟亭臺綽有諸天想花木多含六代心我輩超然遊物

外漫同雞犬論升沉

浪傳二首疊前韻

浪傳碧血灑霜袍拔鞘當空白日高誰逼萬民投虎口枉將一死等鴻毛中天久已垂氛祲內地何堪受驛騷試上崔城窺伏莽東連齊衛已周遭

竿揭旌旗嘯曠林連城無備任搜尋築防誰和睢陽唱決險兼聞瓠子吟鼠竄早經煩

睿慮鴻哀久合念天心紛紛赤白探丸起豈獨干戈有實沉

送朱楠臺大令調任吳縣

棠蔭移栽茂苑春驪駒綏綏曳雕輪桐鄉無計畱朱邑潁水偏來借寇恂君自愛民忘吟域我嫌隔縣似鄉鄰只除一事差堪慰花發蘇臺有主人

一琴瀟灑出山城萬戶絃歌盡送行只許三年霑雨澤尙同百里聽雷聲良朋聚散花繁樹能吏遷移子驪枰手指東西兩湖水是君遺愛是民情

觀楓西巖至白雲栖小憩和景闡仙孝廉發

一山聳翠髻紅樹夾兩旁化工才力大絢爛成文章逃離五色中時挺蒼松蒼間以烏臼赤雜以鼻腳黃山翳蒸紫霧紺宇參差藏天風吹人衣飄飄陟崇岡深林受返照天亦桃花光古洞若幽井半入心已涼俯瞰寒潭清一醒內熱腸所苦暝色催好景惟羆嘗白鷗導廻舟拍拍沿溪塘晚霞催人詩十丈紅箋長回顧錦繡林綵幟紛成行會須勝遊續趁此足力彊丹砂駐顏色乞與仙人方

古香書屋菊醺時主人方得孫就花下設湯餅之會以

余慰女詩有明年十月黃花發來看而翁喜抱孫之句詔爲奇驗更索詩紀其事

徵蘭剛值菊花天佳讖無心事偶然贏得東邨小兒女隔離爭看老詩仙

阿翁把酒笑軒渠排夜燒鐙翦碧蔬絕倒花前湯餅客人人錯

寫弄麝書

吳君名璋

護花仙犬就階眠便似桃原古洞夫關卻槿籬門兩扇那知人世有烽烟

一年辛苦到重陽纔得秋來滿屋香累煞詩人吳季重弄花纔了弄孫忙

相馬篇 物色駿材也

世不逢九方歟與易子阿麒麟何以殊駱駝神龍到眼不能識

雖使貳師將軍其奈何平原萬騎來西極照耀隨方分五色白
馬綴金鈴黃馬銜珠勒紫騮馬以青絲飾試以騮躑躅果下霜
蹄高辨以駝抖擻風前五花備一馬放曠獨不羈肉瘦骨立形
則疲牽來階下萬人笑主人獨賞其權奇賂越銅鑄金馬式成
法由來拘不得要除皮骨察精神一寸靈心雙眼力高頭大腹
豈不才六尺七尺非龍媒天馬不許凡眼猜烏虜皮相從來混
真假相不在皮豈獨馬

識曲引 辨正文體也

吹大角擊銅鼓列齊倡羅鄭女先歌踏搖後伴侶衆人傾耳主
人否陸大喜李可及李八郎安十十記者紅紅彈黑黑衆人謹
賞主人默湘靈爲鼓瑟瓠巴親調琴矯厲發中響激楚揚清吟
證以逍遙樓櫓梵字譜協以崇業里中牛鐸音八風回回蘇氣

布護積雪倒飛庭花脫樹猶恐一字誤重煩主人顧主人再稱
善此曲識其真爲我一再歌餘音繞梁歷於是吭喉矯舌志定
心寧巧越薛譚妙臻秦青曲終而顧無人共聽主人曰吁汝歌
者莫恨曲高和者寡黃鐘一鳴衆音啞

書賈行 購求異書也

茗溪白舫短而濶湖賈一生書裏活船頭腹尾皆裝書僅容一
身如蠹魚清晨肩負長街走聞得書聲竹扉扣此客疑從禹穴
來問渠肯借荊州否斜紋越布六幅方四千年事中包藏永豐
古紙潔如雪滿堂抖擻生芸香經則有經緯則史治亂興衰瞭
如指君求異書無過此其餘紛紛集與子古書亡僞書作三墳
九邱及八索不信祖龍未燒著願君好異須好真異在辨俗非
求新相逢盡問卿孃秘幾箇真能識字人并願好書勿好異奇

字識多忘正義隨家經籍漢石經大業熹平末年事

河兵謠 咨訪河務也

天心欲河南向流地脈苦費人功脩南方界溼易旁齧南水合
流難瀉泄河廣禦之使勿衝河狹關之使足容河高勿壅界勿
淤減水河還殺其怒何用作埽臺鐵絙木杙土石柴何用下埽
法推捲牽制薶挂壓裹河隄外河隄一分銀一筐泥

朝廷帑銀百萬萬險工第一高家堰身當河兵五十年身如精
衛銜石填治者專用者全防者先築者堅有患無患皆憑天欲
使河流萬古常安然除非射潮鐵弩兵三千

又

一條濁浪來天河河身便是銷金渦今日纔脩明日補十萬金
錢一方土外河要搶險裏河要撈淺引河挑工猶未歲春汛過

秋汎來糧艘去糧艘回終年辛苦持畚揭饑腸輓轆手皸瘃河
官騎馬來驗工偷眼還防受鞭扑夜宿河壩風露苦微聞有人
刺促語河堤不開河庫閉安得金錢買歌舞一聲奔雷三壩壩
百萬

帑銀如一擲官府分段來興脩柴如山土如邱挑者人負者牛
河聲怒吼人聲樂獨有老兵雙淚流

鄧尉探梅歌

春癡如雲回紙帳山童來報山梅放前谿呼取素心人野水同
浮青雀舫光福邨_隱霧收虎山橋下輕橈傍鷁峯西去一峯
明暗香隔嶺先飄颻支筇絕澗覺芬菲轉逕平厓益清曠驚起
山中高士眠忽逢林下幽人訪萬枝玉樹烟濛濛一片瑤臺春
盎盎此時意境如神仙洗盡塵容并俗狀羣巖競秀殊引人十

里五里心顏暢柴莊米堆揖我前西磧銅坑屹相向四圍青山
夾不住春光迸出珍珠藏海名香雪海無邊玉作波濤銀作浪
西谿幽勝迥不如庾嶺羅浮亦難抗天將奇境關中吳客我詩
人來跌宕我欲招呼郁泰元仙尉精靈共無恙半盂涼雪半梅
花莫取空山當清釀坐看夕照沉西溟直待明蟾起東嶂疏枝
冷藥盡饒餉逼眼晶光不可望詩意惟應有崔知吟覓只合和
雲葬夜深冷臥萬花中寢與花情共搖漾化爲蝴蝶不出花花
神若來相揖讓縞衣翩躚逞奇致翠羽啁啾弄圓吭醒來花覆
滿身寒月落參橫但惆悵更有人從花外來看我亭亭立花上

讀史

銅樓祿霧畫漫漫武庫森嚴宿衛寬紫禁未容陳虎旅黃鬚已
足了烏桓幾成甘露生榴樹猶幸流星中蔗竿龍子非常神勇

事漫將射鹿格熊看

長安韞騎走倉黃伴食都空政事堂帝問竇參多過失人言崔
協最端方華山一奏權先替溫室三緘寵愈長司吏只知劉煦
罷便誇蘇合換蜣蜋

胯衫落鳧帶窪銀敢截單衣動紫宸早禁光超徵素絹那知侯
覽結黃巾右貂爭誓西鐘下朱雀誰書北闕人天遣封徐還自
敗不關狂子有張鈞

冀豫連城市作墟公然馳敕下青徐小方盡說黃天立大吉都
憑白土書漫恃外援畱卜已早聞中貴戮封譖曲易京觀城南
築飛燕雷公更燼餘

乘風束芑埽黃巾蟻聚九封祇十旬童孺盡知楊大眼官軍早
破李歸仁父書能讀終堪將母賊旋亡或有神一例論功膺上

賞誰言高顯是文臣

喜申南邨由廬州調任吳郡

官吏津頭夾道迎扁舟已入闔閭城田蠶首務教民儉琴雀先
期化俗清擬與龔黃論政蹟肯同韋白鬪詩名錦帆花月香谿
水莫惜春郊露冕行

冬日煥甚

纔過大雪小寒來已報梅花次第開氣候正宜藏物穉機緘何
事洩春芳漫張毳幙圍紅裏且脫貂裘換綠醅誰識易和違節
令熙熙只想上春臺

闕逢闍茂

新正踏雪至致道觀看梅已至八分時距立春尙十日
今年梅花太艸艸不待東風嫁何早迎春尙須十日遲含藥只

餘二分少冬行春令鳴春禽殘臘已報花滿林交正六日忽飛
雪寒威慘冽冰肌侵未開瑟縮氣已阻開者紅乾神色沮就使
開齊不得齊早有殘英墮香雨我思梅萼品至清忽而躁進如
俗情卽云暄妍氣催促胡不自保心堅貞待春而開得時正滿
山桃杏誰能爭柰何高人輕出世遭此風雪欺縱橫花如有靈
應悔恨及早收攝真精英尙畱餘力未發洩儘可晚境彌敷榮
花前慨息倦而寢寢見花神顧余哂十年空攀上苑枝拋卻玉
署耽茅茨自家性懶致成癖漫以醜語相譏訾先春而開是花
性雪虐風饕是花命若待春和始發葩那顯耐寒風骨勁如君
遲遲不出山後輩飛騰壓先進未聞百卉盡開殘獨讓南枝後
來盛於是灑然而醒嗒焉若忘落花滿頭如蒙秋霜悟遲緩之
失時同躁急之徒傷寧委心以任運不知夫天外之斜曷

送邵蘭風之大梁

君去吹臺萬樹春
玉津園柳繫雕輪
中天乍報祲氛滅
匝地猶餘戰血新
懸楊綠多青眼客
倚閭終有白頭親
經過蟠水垂綸處
應憶東湖把釣人

孟陬十九日挈李生小霞暨兩兒放舟再赴銅井探梅
作

去年梅花因待我
二月中旬纔放朵
今年梅花催我詩
春纔五日花滿枝
我詩遲遲不輕作
卻恐花先晴
雪落畫船喚得如鷗
輕心覓早已飛出城
順風船尾送亮月
船頭迎船如孤雲
去冥冥尙嫌鷗後家
山橫不能割取劍門
一角直接西銅坑
吹滅雙燭花急覓花
中癡百里身有翼
一白春無縫醒來癡
覓和雪凍暗香疑壓
蓬背重

舟中先寄遠峯

逋老昨書來梅花報已開無人敢題句待我共啣杯爛醉情何
惜清狂老不頽相期扶玉杖一嘯萬峯臺

冒雨探梅舟中放歌

花方開雨相苦人欲往雨頻阻謂天妬花使速殘謂天妬人不
許看人花何與天相干天容如此愁不歡萬事直則淺萬趣曲
始得天公怕我詩境直故遣雨風小曲折白頭林三遠峯老更顛
碧眼汪九舟蓮癡不眠天欲拘人人拘天冒雨竟上烏篷船酒百
壺茶十具筆一枝歌一部何以敵雨聲歌喉如水清何以敵雨
點筆花似珠濺梅花亦助人興豪雨中開得繁且高古人踏雪
我踏雨頗覺今人勝於古

入穹窿山

一峯橫一峯監峯峯相背實相顧一峯雲推來一峯雲攬去一
峯被雲橫截住峯欲出雲雲四布雲欲出峯峯四護我來山中
已兩度忽被雲遮不知路以杖撥雲纔數步雲繞衣襟又迷誤
但覺峯深深雲陰陰暗香馥馥來遠林空山梅花何處尋

汪蓮舟太守

大聘

攜樂部入山遠峯作詩嘲之疊韻爲

之解嘲

手攜仙樂上嶙峋萬壑笙歌耳一新傳語寒梅莫相笑東山絲
竹是何人

風絮漫空曲未停玉笙瑤瑟和湘靈詩人爲惜梅花凍自起推
窗把雪聽

坐移石居看雲作

峯包雲雲包山雲隨山勢爲彎環山人入山山不見雲幻奇峯

峯萬變茲山突欲插向天被雲壓倒千仞巔山房老崔忽飛去
認作縷縷烹茶烟石牀酒醒鬢絲溼左壁出雲右壁入雲穿石
竅竅穿雲恰似人身氣噓吸須臾滿屋虛無人但聞人聲在白
雲九疑對面不相識雲中何處求湘君

夜宿穹窿風雪大作

人在穹窿最上重不知託地果穹窿忽驚凜冽衾如水始覺高
寒嶺逼空富媪又開銀世界封姨自下玉簾櫳南枝幾點春消
息凍住冰巖雪谷中

曉起山樓看雪

北風一夜吹山動曉起看山山沒縫高者不凸深不凹山骨被
雪通身包舉頭羣峯失天際但見有天不見地細看天影亦漸
無天與雪痕聯一氣古松亭亭沒到腰瓊花壓頂靜不搖抱枝

松鼠竄不得雪穴中間探頭出詩人身披銀鼠裘當門鑿雪思
出遊玉梯萬級不可以著腳孤負梅花雪中約回顧道士居琳
宮玉宇眞仙都一樓縹渺若雲起仙人招我瑤窗裏我登其巔
駭且喜下界茫無井與里太湖以外雪而已嗟乎此行見雪不
見梅梅花埋在深雪堆安得傾身化爲雪抱住梅花凍如鐵雪
亦不消花不滅

雪後聽小霞鼓雷霄琴作梅花三弄和遠峯韻

驟而驚湍奔巨川突而亂石崩危巔令人神遊太古前此身忘
世心忘年揮手欲懸按欲堅音所未到神已全我來尋梅雪阻
緣相思難託春鴻宣忽疑梅花來半天暗香飛入泠泠絃此曲
本自桓伊傳後來莊娃弄響泉雪影看作羅浮烟物理漫參蟻
捕蟬曲終餘韻猶清圓滿堂寂歷生春妍起循龍巖觀中邊開

元雷霄字珠連斷紋亦如梅花然彈者聽者俱欲仙君且罷彈
我抱眠一夜清寢寒香纏

書贈林道士遠香

我來爲看五出花卻被六出花橫遮蒙頭瑟縮出不得冷酒一
杯守窗黑何來玉骨仙身如梅花立我前欲淡意古神則妍風
吹蘿帶生秋烟我非王內史能換紅鸞書老子又非韓退之解
作石鼎聯句詩徒感神仙意相顧強如尋梅踏雪去將君聊當
梅花看書與梅花一篇賦書成花開雪亦晴揮手又入梅花行
雪後由穹窿至元墓登還元閣循銅陀西磧至天井觀

梅四首

衣上鍾吾雪隨人下洞天漸聞香遠近屢誤徑回旋伴挈林君
復碑尋郁泰元梅花如一笑相別已經年

高閣畱題者風流亦我師閣上刻王漁洋宋牧仲沈歸愚莊滋圖諸公詩官尊名始重
事雅俗猶知老樹難論代疎花不炫時寒香三兩點有意索新
詩

銅井前招我生香數里聞一峯微帶雪萬樹密如雲
續家從萼綠分東風解人意衣袂落紛紛

幽絕潭山下紅梅綠萼新自饒冰雪意別占地天春靜色殊
冷高情稟素真譬如華貴裏一箇鐵心人

歸途經香雪海

昔日題名花比雪今來看雪誤花光收回闔苑三千樹
化成都八百桑衣帛亦關人煥煥和羹無復味深長
遙林多少停車客猶向東風覓暗香

題山背古梅

託處在幽僻况經冰雪寒如何吐深秀絕不畏摧殘臨水貞姿
耀當風素骨珊珊偶逢流俗賞只作等閒看

光福返權雪益大遠峯有作衝口和之

平畦雪如山孤邨陷成井梅花凍不開小朵開亦窘心憐折一
枝歸舟抱香寢寢回虛白生寒逼被池緊打篷雪片颺戰權風
力猛夜語聞舟人皓失港汶影後泊邨全逃前行感難騁披衣
想推篷一覽奇絕景伊軋艣數聲淒若雁哀哽同舟睡方濃蒙
被不露頂千呼不一應張口冷先噤默念山中梅奇寒獨堅忍
不悟孤高非寧嫌摧折甚鐵骨彌稜稜冰顏自凜凜花時日以
違花意益以醒易和任天來兀傲恥干請

有贈

喚起瑤窗曙色新玉顏驚照雪精神千紅縱好無如素百媚橫

生莫若真盡說大喬爲國色更憐蘇小是鄉親茲遊不算全孤
負見過梅花見美人

花生日喜味霞至

睡起文窗百鳥催閒庭一樹徘徊裁將紅紙爲懸悅澆取清
泉當捧杯美景預愁今日過好風剛送故人來與君準備看花
眼從此花方次第開

月色皎甚踏月至二鼓而返

有酒須斟酌醉亦休清宵何可廢清遊百年得意多虛度萬事隨
緣勝預籌昨夜星辰迷素霧誰家燈火息紅樓漫言春月令人
喜幸是心頭未有愁

偕凌客訪子山鹿城不值畱題寓壁

我方來君適去天遣相思不相遇相遇亦何爲君誠落鳬我亦

衰猶勝不相見同向清河觀縹面相逢冠蓋徒紛紛奇才誰如
蕭子雲同來幸有鮑參軍一雙瘦影看斜曛君去或復來我來
行且去頭上雪花眼底絮浮雲何陰陰梅花欲落春漸深回舟
又動思君心

金堅齋學博

元鉅

臥遊圖

我欲探五嶽窮九州安能雙腳踏遍人間秋不如北窗跂腳當
作名山遊十金買一樹百金買一石北苑春山買不得那得飛
來補我壁堅齋主人心力堅買畫不惜青銅錢雲林樹營邱泉
房山雨南宮烟滿堂突兀撐峯巔主人日日峯下看雲眠人笑
宗少文我道徐霞客只消一尺藤枕一方席不費平生半緡屐
勝遊如此樂且康令我妬眼羞空囊但願長康家中一厨好畫
盡飛去飛入我家書畫庫我亦王父高屐日安眠不出柴門遊

一步

春寒

冬宜斂蟄物不蟄雷電閃春宜和堅冰益堅風雪多無端顛倒
天情性易德不舒陰竊枋百艸重枯百花病春似轉輪輪忽定
偶逢一日晴地中潮同人汗蒸忽又三日雪凍骨凌兢手皴裂
今日單夾明日裘筋骸一弛復一收十家九家病不食藥爐煙
濃竈火息市頭米價反增值里胥追呼打門急易和速轉還我
春花前已少看花人

病况

又過東風社燕期閉門閒耐病支離才難用世人誰諒貧不之
官客盡疑無母忍持毛義祿有妻能樂杜陵飢山窗一樹梅花
老新筍枝枝欲透籬

空庭獨立易斜陽。瘦影風前帶自量。頻痛雁行凋手足。年來疊遭兄弟喪之非耽鴻。隱入膏肓靜從小。棘檠衣住閒看浮雲出岫忙。殘雪漸消衣乍減。卻寒簾幙且收藏。

續讀史

軍興河決費持籌。百議誰能定遠猷。團法漫增新鹿幣。武功終勝爛羊頭。入貲何損相如譽。重粟須知鼂錯謀。卻笑孟佗工取巧。蒲桃一斛博涼州。

平津一議最錚錚。畜牧輸家豈近情。獨病所忠徵子弟。頗嫌崔烈到公卿。書陳平準緡無告。令置均輸貨自贏。九府尙憂三幣缺。地靈原不愛金精。

蘇侯迎罷蔣侯迎。報謝靈旗擊志誠。五斗米原神設教。八公山直艸爲兵敵。驚王峻牙軍隊士。聽錢鏐甲馬聲。莫怪武皇祠泰

乙牡荆高捧事南征

黑山白騎化飛塵
枹鼓猶聞吏捉人
竄迹定多張燕捷
察胥誰似郤雍神
索窮十日終亡命
募應三科是募民
一網自來愁玉石
漫誇搜寇李栖筠

倉卒宮牆逼寇氛
羣比終灑血紛紛
久知陷賊王中允
幸免流移鄭廣文
六等爰書難定案
千秋信史總傳聞
少卿若飲關氏刃
褒詔還應下漢雲

調景闌仙納姬

捧出紅雲貼地氈
畫簾掀處覩神仙
疎狂敢學劉楨視
莊重應知絡秀賢
鏡去玉臺難再合
珠飛金谷不重圓
從今覺得彭錢裔
管取雙棲到百年

夫婿才名杜牧之
紫雲應恨識君遲
情高不索珍珠聘
緣好剛

逢璧月期細雨桃花宜映面是日微雨輕風柳絮又催詩助妝愧乏
飛蟬贈轉索當筵璫瑁卮

送春

醒既無聊醉益難柳花如雪撲闌干百年好夢猶春短萬事濃
歡易漏殘芳艸天涯孤櫂遠夕陽人影小樓寒枝頭幾點鶯紅
在忍別銀鐙更照看

送春之次日屬李生小霞作圖疊韻題後

後會非難此別難思量春與我何干月當圓滿先憂闕花到狂
香已惜殘綠鬢漫誇明鏡駐紅窗爭怯曉鐘寒眼前寫取銷魂
景畱待霜飛葉落看

蔣伯生屬題蘿莊圖

君如春空雲不戀故山土權牽岸上船便當蘆中宇賢親宰山

東一莊僑汶許君爲廉吏後聊用蔽風雨辛勤三十年綠蘿手
親補自忘本吳人但解作齊語清譽馳名卿奇才辟公府天教
世其官挺節宦齊魯母喪暫解職貧不具貲斧并棄此屋廬如
鳥秋脫羽今來故鄉遊翩若在羈旅僅存宦囊中一圖花木古
慙余戀家山與君殊出處我滯君超然君勞我客與尙湖清粼
粼湖田鬱撫撫閒鷗靜浮浮游魚細圉圉我思結一椽魚鷗皆
我侶君如肯歸來相期入烟渚

抱月樓稿題辭

冰雪親攜女秀才新聲傳寫遍蘇臺碧桃花下三分月應有雙
鬢賭唱來

懷抱青天月滿輪本來素影是前身東南詩老無多在一半詞
壇屬美人

伯生屬題佇秋圖

秋思滿懷抱曠然誰與云洞庭方落木何處望夫君地靜別羣
籟天空停片雲幽花偶拈得絕世此清芬

破山寺小憩

常建題詩處詩情到處生四山空翠合一壑衆流爭樹古有禪
意禽繁無躁聲聞思吾已斷坐久竹香清

苦瓜和尚餘杭看山圖

老衲豪興蘸墨濃北宗於此別南宗尙畱幾點空濛處想見餘
杭以外峯

八大山人哭笑因清湘又見此陳人憑他眼底煙雲飽一角殘
山看不真

燕園一卷怪峯巒茶熟香溫幾徧看悟出畫禪三昧旨瞻尊終

竟勝髡殘

伯生邀醺端午至則酒闌人散獨主人酣睡耳伯生爲予更設醴醑醉乃別雜書以發一笑

玉盤已撤金尊空主人醉臥花當中拍手一呼灑然醒道我來遲只供茗是時白日方中天夏至日尤長似年客來絡繹來又去我獨雄譚高座據主人窺我無去心綠醕更飭厨人斟我不能飲卻喜酒每闌酒香笑開口一杯陶然萬事休何必千鍾百榼纔消憂醉中狂言忽肆起不敢罵人聊罵鬼屏上鍾馗圖齷齪一進士壁間天師符么麼五斗米終南捷徑古一條黃巾賊氛今未消柰何懸此二鬼像以邪辟邪徒取嘲我乞主人酒兩卮一祀屈靈均一祀介子推二子雖狂愚忠而不得志於時所爲主人引滿尊中螳那知許事且飲此劉伶作頌灌夫罵一頌

一罵醉而已

伯生所居燕園去予屋纔數武昕夕過從而淵如惕甫
頻伽七香遠峯臺山諸君亦相繼而至極譚醺之樂
爲作考槃之三章焉

與君爲相知吳魯各一方天風吹君衣翩然歸故鄉兩家隔秋
水對岸花相望過橋只三步便聞春酒香登君讀書堂古翠生
衣裳有意各盡言無言各盡觴芭蕉大如席一葉鋪一床醉來
竟高臥彼此殊相忘

入門武夷曲轉徑太華削只此石數堆盤盤具邱壑我來時一
登高下頗參錯西山隔牆青映帶自聯絡茲園數易主得君境
如拓不添種一花不增置一閣但見滿屋書塞破窗與箔時聞
清吟聲魚鳥亦知樂

名園得所主嘉賓不時至譬如一花香遠招羣螭使我時蝨其
閒周旋賓主事謂我爲花耶翩翩有花致謂我爲螭耶栩栩有
蝶意既喜宏閣開更請鄭驛置舊筆書牆頭爲君作園記某年
月日時德星聚吳次

伯生買地北山得靈芝五本乞詩紀事

蔣君人奇地亦奇買地五日生五芝吳生擅場爲圖畫邀我更
作紀瑞詩五芝如連珠纍纍集冠珥五本具五色紅黃雜青紫
大芝爲人形小芝抱諸子根旁細葉攢怒芽復隆起沃以甘露
靈根益靈拂以微風奇馨益馨不見馬喬卿母憂致毀瘠廬生
芝二莖九日一長高二尺不見易延慶父喪廬墓側一產十八
芝日汁一升甘似蜜君今努力副此祥孝思感應五世昌毋徒
彩漆把翫誇示珊瑚光

全真閣集卷三十一
五
潁水微波曲

蔣伯生僑汶上時奉母居蘿莊嚴氏姊從涉上歸寧
挈女奴潁川氏妙曼無雙屬意於蔣託人通意願侍
左右伯生以力有未逮弗之許也後聞從一官人赴
晉墜車折腰溝水東西不可復迹矣伯生於酒酣語
舊前塵影事棖觸於心乞改七香作圖而屬余爲之
歌

名花不論地知已不論人青衣中自有紅拂俊眼識得英雄真
蔣君生有權奇骨十年冷臥蘿莊月課圃親攜霍鋤窺窗絕
蹟鴉頭韞涉水東流汶水圍鹿車緩緩女嬃歸嬋媛女從隨靈
照婉轉雙鬟字隱暉脩蛾妙腕原殊衆前身豈是陳金鳳郭冠
雙聲信口呼魯靈一賦探喉誦元卿三徑綠蘿垂埽地焚香自

下帷丸藥每來簾下立煎茶時向竹閒窺子雲辭筆今無匹

阿青自願持巾櫛寧爲絳秀屈蒙家勿作邯鄲隨養卒已託清

臚送密辭更邀樊爨引紅絲久知嘉耦生難覓得侍才人死不

辭郎君笑謝惟無力空負奇才少奇識只愁高價索千金不惜

佳人難再得匆匆清水易東西臨別朝華掩面啼離筵送酒勞

陳舞仙樂飄風去總辨聞道秋風嫁阿紀從官迢遞關山裏墜

車竟作折腰妝貼地寧能啣玉起從此飛花信渺茫高麗坡底

失春光拋沉團扇綠千古哭損犀簾淚兩行露仙一去如河漢

細馬馱歸人種斷悔不當時累騎還卽今空惱鸚哥喚相如老

去鬢飄蕭夜雨秋鐙話綠翹謝氏未曾畱縞練白家何處覓紅

綃玉清就使眞追著撒豆難逢仙吏郭方響琵琶觸撥多淚珠

尙與鐙花落一藥酬雙珠一飯酬千金世閒惟有情難報恨與

湯湯汶水深

青山澹慮圖

擺脫意想靜契鴻濛冥情一往杳不可終白雲澣衣碧水洗瞳
時逢幽林眠琴月中黃葉滿地不知秋風手把寒菊託以素衷
曠無所得與古爲融如有詩思冥冥太空

水仙瓣蕙蘭爲改七香賦

離離玉魴樹瀟湘持較春蘭一氣香總是二妃薨薨化天風吹
下水仙妝

水佩風裳結束新碧紗烏几淨纖塵小窗相對渾無事寫罷離
騷寫洛神

寄題李笋香光祿紅雨樓

吾園一園如兩園後爲竹塢前桃園花時春情紅欲滴綠受紅

欺瘦難敵花底看花眩兩眸看須置身花上頭花上頭花光浮
主人特爲花造樓樓窗玻璃紅扇扇豔影燒空射人面一面花
枝一態呈四面窗開看不厭催花不用羯鼓過佳兒妙手能琵琶
一彈迴豔雪再彈升嬌霞客來看花不識路遙指霞明卽花
處隔花已見花影招人花翻被花叢誤俯水水不碧仰天天失
青萬樹紅珊瑚花海春冥冥忽聞人聲出花頂一樓春人弄春
影邀客登樓共賦詩詩情久在花梢等春風吟顛與酒顛夕陽
花顏映醉顏詩篇縱橫酒狼藉明日闌干寢無迹樓下落紅深
一尺

月底脩簫曲

玉簫情深號圓聚一絲吹出同心語願如無恨月長圓笑指當
頭月爲主廣寒宮人雖守單每抱破鏡期團樂人間果有合歡

事圓冰定照青雲端九靈仙管盤靈曲明月弄珠人弄玉繫管
玲瓏百結絲便是赤繩能繫足一雙鳳翼橫參差心香夜擣鳳
女祠青天碧海有誰聽此意姮娥應得知

甲戌六月赴郡口占

是時旱甚

一篙煙水無三尺蘆雪叢邊曲折行驚起前灘鳥與鷺照來黑
白白分明

嘲棋

無端畫紙作棋枰苦費鈎心鬥角爭象罔盡能知黑白獼兒休
想亂輸贏兩家久判高低手分袒空勞左右情如此消磨長日
去誤人終是范西坪

鐵舟禪師騎馬歸雲圖

浮雲無定著四海皆可託侵晨起東溟日夕棲衡嶽師從衡嶽

來白雲如蓮開一看燕然山再返姑胥臺偶然歸興發思弄湘
江月嗅得蘭花香神觀已飛越雲中問太虛仙人近何如借騎
支遁馬去食武昌魚武昌水幽絕梅花秀可折寢見少年事袈
裟染香雪楚雲如螺髻吳雲如妙鬢師旣南入楚應復思東還
好乘黃雀便游戲東南徧往來吳楚雲白馬如足練

平遠山樓與錢七叔美作

山樓凌晴空秋色澹無界遠樹招雲歸孤鴻背人語炊煙起林
虛縱目綠漸隘樓外一角山倪迂畫殘畫奇趣入曠懷滅燭說
幽怪明月恐欲來西窗爲我挂

山樓看雨疊前韻

偶參遠公禪小住華嚴界山窗落葉聲蕭騷雜秋語時聞菊花
香擔影度林隘遙邨帶寒煙荒率不可畫奇峯隔水來一筆突

險怪散作雲滿空前山雨腳挂

鐵公畱度重曷

一葉秋雲下停蹤爾許時閒情宜入畫小病不妨詩把菊遙山
暝鈎簾去雁遲懶公畱我住况是雨絲絲

遇擔花者

滿路寒香散不收拋錢誰買此風流一肩秋雨擔回去還供妻
孥插滿頭

清琴軒卽事

亂落梅花綽注吟半空鸞鳳下清音夜深彈到爐灰冷消盡人
閒未死心

飛與青天酒一觥滿空寒韻雪輸清十三徽上花能語倒喝明
蟾不放行

美人花月夜

月滿地花一天中閒著箇能詩仙花香洗神月洗骨吟到月停
花轉活青翠不語臥石牀珊珊古佩搖明璫花神暗中詫奇事
天上人閒素娥二

自題畫梅

老幹多年壓雪彎蒼苔溜雨翠爛斑繁枝亂插如無意一筆分
明不可刪

偃蹇離披不耐看要傳高格在清寒短長疎密皆容易寫到剛
剛好難

天眞閣集卷二十一終

天眞閣集卷二十二

詩二十二

昭文 孫原湘 子瀨

旃蒙大淵獻

五十

一臥滄江已十春
桃符驚換逐年新
寢中尙過兒時地
鏡裏全非昔日人
骨肉情親忘仕宦
煙波習慣怕風塵
野梅冷受盆梅笑
疎放應難玉几陳

觀物

萬物有性命數卽有成敗
惟金與天老逃出劫數外
金玉價並高玉脍金不脍
金石體並堅石碎金不碎
屑金爲飛塵鎔鑄一爐內
頃刻還胚胎依然成大塊
取其不壞身定爲幣之最
饑寒實無爲衣食重倚賴
雖以五穀尊不及三品貴
歷代帝王才想

不出替代求之五行中庶幾土克配散爲恒河沙凝卽華嶽載
是母有是子洪濛雨不壞所以守財虜金與田並愛將金買肥
田有時發深慨田猶懼水災金不怕火害兩者定一尊母究非
子對

讀漢書戲書

龍種本無種太公生沛公犁牛有辟角瞽瞍得重瞳擁篲父不
父分羹翁若翁由來天子孝不與庶人同
深宮擁辟易永巷幽少主力能誅羣雄志在禪諸呂偏統繼媧
皇本紀接高祖千秋印板摹遙遙有一武

陰雨積旬春分日喜得開霽吳松厓秀才作四詩惠然
見投釋貧慰寂之意溢於言表依韻奉答兼訂郊遊
只隔紅橋悵阻脩香泥滑滑廢清遊寒陰障日難移動春色隨

波不倒流野曠幸無風
雀警年饑須有澤鴻愁
朝來乍喜開新霽鵲鳩
催人上畫樓

詩盟香火亦前因慰藉
東風小病身四海親知
餘幾輩千秋付託屬何
人宦情如我生來淡交
誼惟君久後新一笑相
呼踏青去還畱一半是
濃春

冷臥空林舊史官頭銜
骨相總清寒主張風月
才非易管領湖山事大
難詩艸千篇心力盡梅
花一枕寢覓安孀春霽
腳因君健絕勝輕身卻
老丹

白頭相約照西湖雅興
能如范陸無嗜酒尙嫌
妨暇日尋詩何惜涉迂
途山客過雨迎門笑鶯
語調晴隔竹呼如雪梨花
春易老勸人行樂有銅
壺

送鐵舟西歸

寫就歸雲索我題果然撒手便歸西流傳塵海書兼畫拋撇情
天肉與妻證果自來同曉寢飛花從此脫春泥忘情我愧陶元
亮怕坐籃輿過虎溪

錢秋槎孝廉

朝錫

招同湖濱脩禊

一船橫蕩水中央分看湖山左右忙細雨溼花春更豔暖風吹
酒晚逾香撐持詩骨添彊健洗滌愁心化吉祥絕妙大癡圖畫
裏纔堪容得此清狂

四月十七日過趙叔才秀才

元凱

觀翁二銘秀才

心存

蔣奇男上舍

庸

及兒子

文村

習射邵匏風孝廉

廣融

暨令嗣君遠孝廉

淵耀

適至取醉而返

偶拈詞語說韋莊便趁今朝泛野航新綠障天晴閃色殘紅積
地土生香三杯大道賢愚混一笑浮生寵辱忘卻喜諸君頻中

雋老懷聊發少年狂

贈張童子

題其所書洛神賦褚聖教冊後

萬事學便拙不學苦不到理在意象先聰明轉不妙疑疑張童子操筆便窺奧淺涉已可畏未暇慮所造王大令褚河南不著氣力處其妙宜靜參書在胎骨思則覃苟或不然白首慙斧斷童手人始甘十四不足年十三

病起

感天憐我盜無粟降沴入軀俛斷穀豈知因病愈速貧典質紛紛買醫卜纔從西邸問丹珠旋走東頭邀郭玉先生一臥竟月餘四壁空空但存屋起來扶杖綠陰中眼纈生花腸轉轂門前人踏藥渣香園後婢偷扶苓劬卻看老婦畫紙嬉不耐嬌兒倚門哭笑指床頭書幾束且換全家一餐粥處窮猶喜得餘生逃

死庸知非後福開窗看雨跂腳眠又聽墮階梅子熟

自題畫梅

不多幾筆自風神得意何須刻寫真只似嫩寒初月夜亭亭著箇淡妝人

戲題畫鵲

斑斑羽上應列星嬾之朱雀與元武飲啄艸澤閒得食則呼侶養成瘠肥鵲健舉健入人裏肥入俎方爾未化時蠢蠢一田鼠孰烹汝亦孰爨汝從陰變易君子許苦爲人役及人脯烏庖一變一化伏禍機何如還爾初時衣

題李生畫

青林靄靄白雲流詩境空明澹不收卻被小霞偷寫出化工新造一痕秋

寄陳範川同年

鴻臚

鎮江

時主寶晉書院

故人心蹟與鷗明水上浮沉一笑輕鸞鳳文章周柱史魚龍變化魯諸生玉堂風月餘清寢鐵甕江山助勝情相見幾時杯重把千秋橋北聽秋聲

醉趙生叔才家桂花下

山氣入木理鬱爲古茂姿騰香出簷際占此高秋時馥芬無隱爾不俟靜者知非見亦如見可悟聲聞思黃雪落瓦溝隨風墮清卮爲我折高處尙有初開枝凡卉忌攀折此以折愈滋芟繁本始密物理猶如斯

九日同李生

馨

次子

文樾

登西嶺晚眺

若負登臨節青山笑我何秋從高處見景是晚來多畫勢連城野園形就澗阿不愁殘照盡纖月挂林柯

有懷仲瞿前半全襲工部然子與仲瞿無切於此四語者使仲瞿見之必謂余作非工部作也

不見王生久佯狂亦可哀世人皆欲殺我意獨憐才自分難爲用何如歸去來山中芝艸熟遲爾坐青苔

萬花供奉曲爲吳松崖作

世無此事有此想帝命萬花吾職掌四時芳菲一氣開不必春秋冬夏分安排供我三百六十日日日玉山醉向花前顏吳質前生主瑤島示我雲天舊遊囊管領春風十萬株不曾見過青枝老是何花氣難疆名滿身拂拂紅霞生若令老佛坐此下枯腸一縷迴春情金丸碾天不肯住銅山買春春竟去神仙自有鷁洞天天上從無葬花處卽今點墮紅塵鬪時時寢踏青瓊瑤日桑月桂星玉李待君挽取銀河澆萬年紅紫春無恙日與羣

仙共酬唱歡賞常依明月閒詩情只在丹霄上天爲四壁花爲
家此景合向人閒誇芳叢取次嬾迴顧有眼只看瑤宮花

秋夜聽李生琴

秋氣滿空庭秋聲不可聽一彈迴淥水孤思入青冥飛去瘦雲
疾拾來幽艸馨玉屏珠露冷天際下湘靈

雨夜小霞攜蟹醉我

惻惻輕寒襲罽袍秋聲催我讀離騷身因風雨懷人瘦名誤烟
霞託疾高鉅鹿深情能載酒鮑易清興且持螯平生此景知多
少又得同君醉一遭

贈瞿菊亭丈卽書其桐間露落柳下風來看子

先生人中豪文彩四輝映二十爲孝廉六十作縣令七十歸來
頭未白清風蕭蕭吹四壁十畝難更好時居一椽便抵蘭成宅

小園日涉不厭勞文筆爽健爭秋高孤桐遙和北窗謝五柳自
擬東籬陶眼前突兀多華屋宦成歸田置韋曲盛名雖免司隸
糾清議難逃薛宣錄先生視之如雲煙何必樹石營平泉扣門
看竹卽鄠杜涉足得花皆輞川興來更擢珠江船手提蝴蝶羅
浮巔歸裝不載龍尾石壓囊只有梅花篇此行我惜不共之讓
君獨啖鮮荔支豈知春風在天上頗怪出岫閒雲遲先生出蔣
夫子門下今歲往謁粵東節署蒙前及湘山之期閒雲出處不自知故鄉行樂須及時
科頭共坐柳陰下揮手且題桐葉詩

秦泰山刻石明北平許某得二十九字於岱頂榛莽中
陷置碧霞元君廟曰臣斯臣去疾御史大夫臣昧死
言臣請具刻詔書金石刻因明白矣臣昧死請按夫
夫卽大夫古大與夫同一字琅邪臺刻石亦如此然

則三十字也乾隆戊午歲碧霞宮火而石亡嘉慶乙亥歲泰安舊尹蔣伯生於玉女池水中搜得殘石二存者十字曰斯臣去疾昧死臣請矣臣伯生構一亭復陷於摩厘碑之旁貽拓本徵詩

萬物不歷劫不古不足珍古物不歷劫但古不覺新不見泰山

秦刻出斯手遠黎聽體

史云親巡遠方黎民碑作親軹

史云男女禮順碑作體順

宋猶完璧明碎瓊三千年存字廿九重瞳一炬燔

秦宮秦碑禍亦遭祝融姬家火德爲秦滅天意報秦多火攻幸

而秦以水德勝玉女效靈護祖龍殘星熒熒一十點七十八年

潛水中此七十年中寧無好古士碑沒纔生碑出死蓄眼白頭

未覩此此石入水能不濡蔣侯入水能求珠逢午則災亥則顯

水火迭勝理不誣惜十九字不可覓想已委作咸易墟岱宗茫

茫跨齊魯賸此韓陵石堪語全文雖遜汶陽劉勝事尤過北平
許不見鄒嶧山頭刻石文拓拔推倒野火焚之采山頭兩石分
鑿去化爲煙與雲此十字書逃出水火劫石壽又應幾千葉輕
模一紙寄人閒壓倒紛紛漢晉帖

寄歸佩珊

雙棲何處覓梧桐猶喜皋橋有伯通一代才華奩鏡裏十年滋
味藥爐中人原貧也非爲病詩以窮而轉益工寄語比肩樓上
月漫流清影照吟紅

唐六如小像

九里仙祠禱寢回風流自擬出羣才身遭放廢名尤重人到佯
狂事可哀一塢桃花春不去六時貝葉佛如來龍香萬笏成何
用只供人閒作畫材

點染鬚眉紙上生清狂意態座猶傾皈依鐘板才人習跌宕
花逐客情金榜三生無福分明書一傳勝科名吟聲燈影南濠
路泚筆誰來畫少卿

題陳章侯畫一人攤書坐置罍盃二器手持杓若有所
杼挹餅一供梅桂未谷定爲飲酒讀騷圖蔣伯生辨
爲調羹圖予兩置之兩存之

作畫必此畫遂令畫理窒讀畫非讀書勿尙考據切謂是調羹
耶梅枝豈梅實謂是讀騷耶又疑醴不設一笑置勿論但論畫
工拙筆遵法士體墨用道子骨衣冠閭立本餅罍趙松雪証以
西河云的真蓮也筆不聞霓裳圖定自王摩詰本題曰奏樂誰
審拍第一不聞幸蜀圖出自汝南忽諱稱曰摘瓜以避名不吉
君但識眞臘母考名得失必欲定一尊請並存兩說若置觴詠

地便爲鯛易畢如懸政事堂卽當傳巖說老遲聞此語亦應笑
吃吃佛法尙圓通可入畫禪室

唐元宗紀太山銘

開元皇帝御九重忽萌侈心學祖龍中書臣說昧死請惟十四
載時仲冬不祈長年籲民福罔祕玉牒金泥封禮成具著金石
刻遠邁漢蹟追秦蹤是時開元正全盛四夷賓服年屢豐毀洛
圖壇斥符瑞精意上與天心通曰慈儉謙作三寶焉用方石銘
豐功貞觀之際兩下詔星亭海溢俱停封東都拔木魏河決開
元十四年事按唐書封禪奈何事不師太宗徐堅韋瓘妄集議
在十三年今以碑爲據宰衡惜已非姚崇前十二年太平致詔禁女樂充後宮翠羽恩
方失椒殿龍鰲兆已徵宏農按王皇后廢於封禪前盛衰倚伏
在一念勸精所貴持其終我爲此言實迂腐地下笑倒張燕公

金輪女主且登岱未聞禍召驪山烽此書奇麗照日月萬世仰
止高山同始皇前碑鎮神府明皇後紀摩璇穹太山不頽字不
滅願揭萬本傳無窮

冬杪與蔣伯生探梅花消息致道觀

風和殘臘預支春如睡山容忽展翠暇便清遊原夙慧出逢佳
日亦前因無才未許全空俗有好纔能不顧貧料得南枝應暗
笑人間猶賸兩閒人

蔣雲泉刺史

嘉瑞

抱騎省之戚作僧服小影寄意

悟澈風翻柿葉斜六時清課首楞伽無端淚眼袈裟溼只道渾
身是落花

漫空香雨降龍池身是拈花大導師放下拂塵藤笠子法雲枯
樹又新枝

百八半尼寶手拈蒲團坐破戒香嚴竹刀重剖如何果厓蜜方知未是甜

殘臘催租索逋者紛集

墓田賦稅熟田同驚見催租縣帖紅怒目吏如難訓獸折腰官是可憐蟲詩雖敗興還重續酒不消愁且一中昨歲緩徵今歲并私情翻不願年豐

柴扃曉啓迓追呼債本非謀避更愚客勝孔融常滿座錢羞趙壹并囊無挺身自分成孤注跌足原難藉衆扶恰受梅花微一笑如君真合號林逋

嶺梅

幾曾香色似南枝呼作梅花卻不辭試問春風渾未識每臨初月最相思身經入道妝如許事到誠陳味可知一點素心誰共

語幽蘭應惜不同時

柔兆困敦

新正二日集飲燕園黃梅花下

黃梅花下開凍醅花光照耀黃金樽我不能飲得飲趣主人張
筵我必與客浮巨觥我細嚮客皆滿斟我淺傾諸君齊楚各雄
長我亦附庸如莒城酒酣起繞花三匝羯鼓催春春不答滿園
梅萼小如珠猶讓黃梅據殘臘我期消寒寒已消我思春來春
未交待來不來耐人想將開不開耐人賞人到中年興易闌何
如少日情初長新年已逗初春痕隔宵欲返明月覓酒杯在手
花置眼世態悠悠何足論

立春日

難得新年日日晴迎春歡動六街聲和風藉體嫌裘重樂事關

心覺履輕流水響中塵不到行人稀處
卅初生幽情最與梅花
慙纔見含苞眼倍明

探梅詞

芒屨日日踏蒼苔每對含葩繞百回
一種惜春心事大旁人只
道盼花開

含葩堪愛落堪思關切先時或後時
若使盛開時候看何人不
解看花枝

迎神曲

吾鄉於新正五日祀五路神近更改祀於初四
蓋以
先迎者爲得利也戲作此解

一城爆竹金錢舞華燭家家洞開戶
初四夜分達初五
東家
祀神苾且芬男耕肥健女織勤賣絲耀穀利十分
解二西家祀神

誠更潔塲東揮鋤得金穴行賈洛陽三倍息解三貧家破屋亦祀
神案上有肉厨無薪風吹瘦燭青如燐解四

入春晴暝過甚

到眼皆春意嬉春不待尋易和先透骨歡樂愈驚心青帝功原
大蒼生疾已深從來盛衰理豈獨在晴陰

元夕雨

今宵如得月歡賞滿春城人事無全美天懷轉獨清籟從空外
息春在靜中生但聽簷花灑孤燈酒細傾

伯生歸未兩月方營燕園爲菟裘忽被

嚴旨追回

山東事不可測相就梅花下痛飲而別

揮手家園馬又東歸何緩緩去匆匆樓臺未了如殘畫花鳥無
知道寓公世事每來籌算外人生易老別離中送君從此詩情

嬾一任春光爛漫紅

醒亦徒然醉莫辭玉梅相勸盡餘卮奇才生爾天多事息影如
予月不知指鹿無爭終辨誤亡羊能補已嫌遲繭絲保障都非
計只合蘆中理釣絲

庭梅乍開連日遇雪及霽色殷矣然久不落感而賦此
乍開清瘦雪添肥盼到新晴事已非生不遇時榮亦困隱如得
計賞從稀守真寧使光華斂耐久翻因發越微摧折更番應自
慰不經寒勒早紛飛

閒情

春來處處是相思收拾閒情翦亂絲一簇野花顏色好水仙祠
畔立多時

月夜梅花下作

疑雲疑曉夜漫漫澹蕩東風一倚闌
堅臥空山惟汝伴橫陳皓月儘人看
香誠可愛須防折瘦已堪憐况欲殘
耐盡冰霜開幾日爲卿何忍避清寒

庭梅開至十分徘徊花下不能無詩

十分晴雪弄昏黃屢欲清眠又繞廊
緣到極歡寧挫折事無餘望便淒涼
微行祇恐粘殘片小立非貪受暗香
恰似故人將遠去未曾離別已神傷

社日遠峯來同李生小霞兩兒

文枓文樾

集飲長真閣

梅花下以幾生脩得到分韻

南軒梅一株庭小覺花塞東閣梅四株
花多覺庭仄對花思逋翁逋翁忽在側
人同社燕來花笑若相識呼兒急開尊
催詩杜酒力有酒慮無殺梅花儘可食
蠹飲如雷顛酒思被花逼三杯

逸興飛四杯喫不得頽然一詩覓先逃入香國美人珊珊來輕
雲弄嬌色醒後徹骨寒初蟾已西匿客散小庭空惟聞花氣息
近人文字初見殊可喜旣鋟板覺迴遜矣豈所見隨時
異歟抑吹求之過歟

楓落吳江思出羣如何旣見不如聞千秋更孰私於我一字安
能放過君論定文章懸日月知交聲譽等烟雲饒卿絕世丰神
好畫裏看來遜幾分

蔣奇男約看花雨阻不果

悵望雙臺正倚闌無端絲雨弄輕寒墊巾甚想匆匆去著屐終
嫌艸艸看風日因緣脩可待人天歡喜事須難只愁花眼殷勤
盼清淚今宵定不乾

北山山遊絕句

鄧畫芳塍幾稜斜居鄰北郭似邨家紅孃橋轉西施渡一箇柴門一樹花

徑入松陰縱復橫撲衣空翠溼雲生籃輿省識詩人意只揀桃花礙處行

野花無數發前邨蝴蝶偏飛近墓門宿雨乍晴芳艸溼春泥已有繡鞦痕

寒食蔣奇男邀同景閨仙及予子

文杓

過破山寺歸途

懋蘭氏園桃花下向山僧取酒歡飲極醉兩君先有

作次韻二首

寒食吹簫上古岑僧厨燒筍綠煙深萬松冷受孤花笑一澗喧鳴衆壑琴坐久雲從芳袂起歸遲鳥勸玉壺斟詩成更倚脩篁坐染得風前翠滿襟

仙樹參差石磴斜，遙青都被亂紅遮。
人家盡日惟聞水，雞犬眠雲只護花。
天畫此山邀客賞，春濃于酒儘人賒。
醉來一笑題詩去，呵氣先成洞口霞。

聽雨詞

風簾瑟瑟蕩銀鈎，簷溜琤琮響瓦溝。
一夜春愁寄何處，謝娘樓角杏梢頭。

賣花聲度隔溪遙，樓上春眠燭未消。
掛起西窗看湖水，白鷗飛過赤欄橋。

浦曉江彈琴圖

旁有姬人傾聽

我如彭澤已翛然，君倚高彈必子絃。
何日歸來山水畔，紫瓊三尺綠陰眠。

雙頰桃花兩鬢雲，蔡文姬否卓文君。
世閒只有箏琶耳，此調何

人側耳聞

陰雨積旬春光去矣

潑灩花能幾日紅任教開落醉眠中無情嬾得衝泥去卻怨西園一夜風

只消幾度醉逡巡艸艸心情看過春肯受滿身疎雨綠空庭一蜨一詩人

暗風吹雨過西窗自檢春衣護晚涼衣上百花香氣在忍寒依舊疊空牀

自知顚顚是清狂收拾春情檢藥方爲愛綠陰牀上坐見伊枝葉又思量

春去

東風努力撥雲開簷溜猶聞滴翠苔萬樹盡含垂別泪一詩聊

代餞行杯夕陽已被虹拖去春色還看蟻負來曾與故人歡賞
地闌干幾曲重徘徊

首夏坐長真閣寫梅

梅葉成陰綠更妍嫩花追憶早春天何嫌對著徐孺面重與調
鉛畫少年

挽趙羹梅上舍

元薌

少年書記本翩翩元叔才名輦下傳卻爲維摩工示疾遂從俞
拊悟真詮濟時小試調梅手潔已先辭種杏錢臨死活人心事
切被人強喚作醫仙

王玉章同年

珙

餉惠山泉

汲來雪液滿銀罍六月空堂雪一泓勗我臣心常不染多君交
誼淡而成瓊壺直擬寒水碧石鼎猶聞漱玉鳴始識淵澂關性

分出山何減在山清

張孝女詩

猗猗園中蘭根死枝葉萎七歲喪阿父鞠育惟母爲阿父有遺
體尙在母腹中雄雌未分明愛女珍珠同十三繫衿纓二十天
桃紅登車持阿母淚頰雙芙蓉阿母執女手去去勿悲傷汝往
無舅姑太翁卽尊章於我爲從父汝壻吾姪行三朝逮彌月反
馬迎雙雙一從歸壻家涕淚不得息寢被思母寒晨羞哽母食
上堂拜尊章金翠盛妝飾膏沐雖容輝神理日枯瘠太翁語新
婦汝勿中情悲汝母吾從子子幼門戶衰松柏與女蘿枝葉交
萎蕤駕我青驪車汝可迎以來阿母見女泣顙顙非昔顏女見
阿母笑殷勤勸加餐太翁語新婦勿復雙睂攢新婿語外姑粗
糲差可安黃鵠依其雛不知歲月寬生女如昭容勝彼男而冠

易春三月初麗日懸高堂中庭樹蘭蕙宛宛揚芬芳花前眞珍
簪摘花泛瑤觴昭容啓阿母願母壽而康自冬徂今春疫疹傳
江鄉醫巫錯交衢哭聲殷城牆城北張氏妻吞金殉夫旁城南
屈生妹哭兄同日亡慈躬喜安和降福蒙彼蒼齋沐遣老嫗進
香至錢塘香是何所爲荃靡及都梁裏以絳色綢爛爛朝霞光
怪風吹西窗天陰叫鷓鴣阿母夜呻吟凌晨氣綿惓羣醫雜沓
來搖手不可活母如不可活寧糜此軀骨阿母謂女云張家老
寡婦急昇我還張勿死壻家裏忍淚謂阿母醫云固無憂但盡
刀圭藥翼日冀有瘳室東有小樓事佛極精嚴金鈴綴網戶碧
玉爲重簷文窗十二扇扇懸珠簾鉗以金屈戌勿許人窺覘
其時月初十斜月掛樓西登樓下帷幙盡掩窗玻璃室中寂無
聲打窗風淒淒小婢從隙窺但見殘影低開門呼小婢小婢已

熟眠左手汲淨水右手裏紅箋云是佛前香避人手親煎手顫
幾墮甌跪進阿母前母命苦不延佛力難回天回天既無力兒
命何流連十一阿母死十二女重泉相距祇一日相從竟百年
停尸中堂上但聞蘭花香郎君啓絞衾右臂紅綢藏血凝桃花
斑徑寸刀痕傷解君腕上綢爛爛朝霞光老嫗哭入來見綢摧
肝腸分明是月朔裏香至錢塘小婢哭入來展綢灰飛揚灰是
佛爐灰湯悟非香湯親戚來弔唁見綢置靈牀嗟歎佛無靈綢
在人則亡女孝志未酬女行垂千秋男兒念親恩示以此絳綢

對酒當歌行

春風吹我羅衣開爲我一洗心上之塵埃昨日已去明日未來
此時不飲胡爲哉眼前笑兀糟邱臺美人酌我黃金罍珠喉發
聲洞簫和碧瑠璃天胞欲破酒酣一喝雲盡停墮地酒星如月

大當頭明月方徘徊白如白玉圓如杯安得擲杯向空化月魄
換取明月入手滿酌葡萄醕酒亦不得竭歌亦不得歇醉覓陶
陶飛入月癡見鈞天廣樂張紫庭手斟天瓢倚醉聽不知日月
有晦冥逕欲上天拔玉繩解事美人旋起舞滴落珍珠散華炬
願君千春壽觴舉酒不到阿瞞墳上土

從東鄉鄭氏乞得牡丹四叢分植庭除

帶雪和露玉根移澆與氤氳濁酒宜名種種來偏貴少秋分分
得未嫌遲漫期賓客同歡賞且屬兒孫好護持恰似瑤環瑜珥
列春風先發定何枝

故人報罷

又值秋聲起荻蘆依然鐵網漏珊瑚劉蕡下第辭原激李白登
科事本無駿骨權奇寧減價蛾眉老大漫增吁何如及此黃花

候來醉黃公舊酒壚

連日菊宴

一籬冷月酒千鍾到此詩情澹勝濃人特借花開笑口天如放
筆繪秋容幽香結束芳菲局真隱消除仕宦智耐得嚴霜風骨
傲同時相對有芙蓉

閩伯生賦歸久遲不至

聞說秋風早拂衣天涯倦羽合知幾鴟兒亂局客顛倒鵝母無
言畏是非三徑莫招黃菊笑五湖空約紫蘿肥閒雲儘有山中
住不是爲霖爛得飛

秋杪同林遠峯三數輩弔河東君墓

一杯紅樹白雲閒遺碣摩挲古蘚斑野老尙呼秋水閣詩人爭
弔夕陽山士無勁節羞青史士有餘香重翠鬢好護隄邊老楊

柳是伊同姓莫輕攀

攜尊燕園賞菊有懷伯生

朱門五色燦成行此獨蕭疎滿徑黃似我離披偏適意無人珍
惜自幽香官如短寢慙花隱天與輕寒稱酒狂底事賦歸歸未
得東籬昨夜又新霜

鍾映淵敬乞題其尊人蘭谷翁攜壺荷鍾圖

酒人十年不飲酒天上酒星忽招手出門處處聞糟牀春風撲
人春酒香生不墮禁酒國恨不封酒泉郡手提一壺春勝如六
國印病而止酒何如酒止病廢酒烏能兼惜命呼兒曰吁子來
前不願汝曹珥貂與蟬不願汝曹積金與錢但須千鍾百榼之
量能世傳一醉之外何有焉醉竟陶陶醒而起引壺更酌尊中
蟻玉山一倒不復醒酒邊何處非佳城不見李聃無欲稱老子

顏淵好學短命死有好不顧身其好乃獨真不然古來飲酒人何獨傳名劉伯倫

屈子謙名

頌滿

竹田子也玉貌高才工篆隸能畫山水

花鳥甚有思致今年正月竹田攜酒梅花下邀予燕賞子謙隨侍閱十五日而子謙死疾革具衣冠向其父再拜云將歸兜率宮也

玉梅花下睹翩翩花落人亡事可憐臨死哀號猶拜父半生倉卒便登仙無緣更與酬佳節有淚偏教哭少年一卷君家騷賦在招魂只唱大招篇

東風驚語樹頭流似爾聰明未易求有限人材還短折無多書畫或長留天涯豈少吟癡壽海外偏思阮樂游儻使情塵終不滅他生福慧要兼脩

皋魚風木痾銜深弱羽襍褻傍崔陰衰絰子明終乏嗣居廬阮
籍不彈琴無兄偏失孤飛鴈有妹真如並命禽身著麻衣仙蛻
去九原翻得慰慈心

十月望夜

一年惟此夕天特縱純陰高印古潭水靜懸空樹林不妝寒女
面無礙至人心偶與片時對曠然忘古今

讀亡友舒鐵雲集題後

通天何處有高臺一問青冥孰主裁鸚鵡洲翻惟此客鳳凰池
選失斯才靈心自向蓮花吐生面能從芥子開字字神仙親撰
出卻愁閒飽蠹魚來

心無點血鬢皆絲奇氣文章薄命詞能識此才人有幾得傳於
後鬼何知三千風月除濃福一半江山欠好詩只恐雕鏤靈秀

盡暫游碧落去騎箕

舉橋琵琶行

生不獲見杭州老兵蘇老五又不常見華亭名手俞春浦平生
不奏鬱輪袍今夜忽聞琵琶語舉橋西去曲巷東小樓絲竹秋
玲瓏紅姬扶醉抱明月玉纖破撥生胡風一聲喧一聲啞琵琶聲
多琵琶聲寡忽而響震武安瓦忽而私語紅窗下忽而玉峽流泉
瀉忽而銀屏細沙灑大珠小珠白玉盤大雷小雷青雲端其指
愈忙神愈閒疑有千手爭來彈烏孫公主念家山掖庭明妃出
漢關灣頭馮小憐樓頭楊玉環一齊清竈赴指下盛衰離合音
情完此時舉座運五官心傾耳側眼靜觀一悲一駭一喜歡但
覺聽此曲者身亦非人閒雨潺潺今宵沈文蘭月珊珊當年屠
碗蘭

飲林研莊上舍吹玉樓醉後出扇索題

龍巖州人名泰時僑居金閭

金闔門外萬人家只此樓臺貯月華南海鄉風奴橋樹西谿宗
法壻綠花姬隔賦罷調吳語郭索持來讀楚些笑解驪裘邀我
醉洛陽兒女字朝霞

一時頓有兩林三

君與遠峯俱行三

鮮荔香濃老蔗甘花下每邀安石

賞竹閒時與阿戎譚學書飄灑能飛白得句聰明漸出藍

學詩於遠

峯我愧山陰王逸少匆匆題扇石橋南

訪王仲瞿盈盈一水樓時刻煙霄萬古樓集未竟

一樓殘紙寫雲烟隱隱虹光破屋邊楊子雕蟲過壯歲宋人刻
楮費華年才難適用非關世集有奇文足報天綠水青山歌哭
地不圖頭白兩依然

白面王郎初入吳驕裘笑脫酒家胡眼中祇有兒文舉坐上公

然第濯夫十月造雷爭失箸六州聚鐵早開鑪而今老大成何
事千尺長松五石瓠

蔣伯生五十歲小像

曹衣吳帶自風流入畫須睂爽似秋十上說書存此舌三爲令

尹賸吾頭

歷仕滕縣汶上泰安嘉慶丙子歲以清查庫項幾置大辟事白始得釋

從客車騎貧如

富跌宕儻花樂是愁住固翛然行亦可海天何處不容鷗

醉來拔劍笑相看鷁瑟年華指一彈商畧眼前才有幾指揮天
下事無難曹劉以外皆餘子齊魯之間盼此官只恐文章爲政
掩千秋何等傳中安

李小雲刺史七十乞休作吉祥止止圖寓意乞題

桃花認得故人不拂裊歸來未白頭纔轉大夫銜五品便甘居
土號三休上場絃索人方待下水帆檣我自收囊底買山錢幾

箇獸邱風月是菟裘

銅符一擲卽神仙虛白光中自在眠長吉合將詩集署不祥何
待畫裙湔五千言字抄關尹七十年華賦樂天斟酌橋邊閒買
醉黃旗飄過達官船

黃詹山大令

嶺

以山水條幅見投報以長歌并索巨幃

鐵生

奚岡

老去蓬心

宸

仙近來此事推王

叔

錢美

叔

詹山落筆又超

絕

絕邱壑未了先雲煙司空宅裏雙峯立丞相堂前嵐翠溼

先於李杏

浦丈處見君畫冊繼又

見於戴文端師齋壁

廿年見畫不見君寢中時寢匡廬雲前

年大府下除帖一琴來治吾昭文逢君下車愜素願準備篋中
好東絹兩年瑟縮不敢陳知爲官書忘洗硯今秋時和政亦閒
朝來貽我尺幅山宛然一角鵲峯秀斜插尙湖湖半灣水清石
瘦樹枝硬恰如老語盤空橫若將畫格比詩情除與涪翁句相

稱使君才大頗好奇治河一疏空前師君曾以治河策干文端

不得行牛刀小試奇不出收拾奇情入畫筆吾鄉高士黃一峯元

四大家稱大宗使君母乃是苗裔前峯後峯君又號兩峯如追蹤我

今欲作發棠請爲我放筆更埽青芙蓉淋漓元氣拂拂指下出

好取虞山全體多包容

題屈子謙殘畫

鐵笛吹涼玉藥枯塵寰小住事饒餉間窗點罷離騷卷自寫秋

風薄命圖

海內丹青漸失真王叔微粗錢美細兩家新天風吹折湘江蕙不

許畊煙有替人

喜伯生開復原官卽送之山左

雀書一紙扣花關敦促囊琴出故山聖主纔知其罪在清時

未許此才閒致身早定千秋業歸計遲營十畝閒喚起嬾雲幽
壑臥且須行雨下塵寰

出北郭循麓而西有九龍松焉地以是名孤挺雲表旁
無小枝惟古幹九槎枒鬱律蟠屈如龍數里外望之
蒼翠幢幢時有雲氣覆其上真神物也余十數歲每
至先高祖墓時時見之乾隆己亥庚子閒樹忽枯死
居人不敢伐猶存其形旣爲大風所折奇蹟遂滅今
問之士人無能舉其名者矣予慨數千年之物一旦
化去遂如雲煙矧人命柔脆不有樹立等於艸亡木
卒求如松之死而係人感慨烏可得已

小時曾見六朝松九幹昂霄似九龍一塢忽聞滄海嘯半空時
有白雲從無端老物成遺蛻頓使寒林失古容說與兒童渾不

信只疑荒誕語秦封

長真閣綠萼一株夏忽萎去其旁小梅一驟高九尺許
結莖繁盛苑枯之感不能無詩

物理盈虛有如此一株崢嶸一株死綠珠春竟墮地消小玉輕
身舞而起當時大者高出牆小者僅及三尺長大如顯官踞上
座小如下吏趨其旁一低一昂勢懸絕攀附旁枝猶未得雨露
全教占去多風雪何曾能蔽翼人來仰面看高枝盡誇玉樹瑤
林奇小樹身低不挂眼花開只供兒童嬉今春老樹花如雪盛
極無端忽枯折地氣易回不可收并歸一樹春光洩向來屈曲
今驟高拂牆漸見花枝梢去年酒人過花處嘖嘖新花勝前樹
歲莫申南邨大守以俸米十斛寄惠固辭不得賦此報

謝

寒蘿靜影覆茅茨細嚼梅花自療饑臥雪嬾揮求米帖臨風喜
讀授餐詩二千石縱倉箱富什一征須稼穡知贈語聊爲瓊玖
報閉門吾已愧原思
梅梢寒雀喜窺覷難得炊煙透屋簷枵腹人還憐仲叔折腰吾
轉惜陶潛自甘犢鼻操勞苦久凜豬肝取與嚴分得廉泉清一
勺幾回斟酌恐傷廉

得米後索逋者聞而屬集頃刻償盡爲之一快

掃卻屋塵償卻債人間快事有如斯門東任索嬌兒飯方朔仍
如季女饑入口有紋原貴相補創用肉是良醫紇干山雀飛來
晚累爾空庭立片時

味霞寒林踏月圖

四天如水一珠寒獨立溪橋仰面看銀世界中同醉癡更無人

倚玉闌干

題洞庭王子蘊香

朝忠

揮麈圖

玉柄風流手色同
烏衣馬糞舊家風
令人絕倒如琴瑟
莫逞機鋒落飯中

顛倒元虛三十秋
無人入室敢操矛
鍾山寺裏閒風月
捉得松枝便勝流

髮際龍文四道餘
祇堪懸壁拜瓊琚
人間險事須嘗試
漫信僧虔戒子書